

**CALOR INTENSO:
RECOMENDACIONNAN PA
PROTEHA BO BIENESTAR**



WWW.SOLODIPUEBLO.COM



SOLODIPUEBLO@GMAIL.COM

**DAMA CHAUFFEUR
A PEGA SOÑO BAHAMIN
CAMINDA SUBI
MONTON DI PIEDRA
BANDA DI CAMINDA**



**POLIS A PIDI
AMBULANS PA UN
DETENIDO CU KAP
NA CABES DETENI NA
WARDA DI SHABA**





**A HONRA TUR PIONERO
DI HOSPITALIDAD: HILTON
ARUBA A CELEBRA 66 AÑA
DI ANIVERSARIO**



Parlamentario Wever-Croes na tur estudiante bayendo
den exterior pa sigui nan estudio;

**“FIHA BO META
Y BAY P’E, NO
LAGA NINGUN
HENDE KITABO NI
STROBABO DI LOGRA
BO METANAN”**

DAMA CHAUFFEUR A PEGA SOÑO BAHAMINDA SUBI MONTON DI PIEDRA BANDA DI CAMINDA




Diadomingo mainta a drenta informe di un accidente cu hende herida riba Sasakiweg, mesora a dirigi tanto polis como ambulans na e sitio.

Na yegada di e patruya a bin compronde cu probablemente e dama chauffeur cansa of pega soño a baha caminda na man drechi y a bay subi un monton di piedra riba otro y a resulta herida. Na prome instante polis a spanta ya cu e dama chauffeur no tabata responde. UN rato despues ela bin bij y na yegada di e ambulans nan a atende y transporte pa hospital.




GANG DI MADIKI LO A DESTROI FULL COCONUT CLUB NA PALM BEACH

Diadomingo madruga a drenta informe di cu lo tin un grupo haciendo destruccion na un club na Palm Beach, mesora a dirigi patruya na e sitio. Na yegada di e patruya a bin compronde cu e destructornan lo a bandona e sitio caba y cu aki lo por ta trata di un gang di Madiki a haci esaki.



NA SOMBRE DAMA CHAUFFEUR A SUBI CAMINDA SIN WAK AUTO TA BIN DI PARIBA Y ESAKI A BRAKE BAY DAL E TOCH



Diasabra mainta a drenta informe di un accidente cu hende herida na Sombre, mesora a dirigi tanto polis como ambulans na e sitio. Na yegada di e ambulans

nan a atende un dama herida y a hib'e hospital. Na yegada di polis a bin compronde cu aki ta trata di un accidente unda cu e dama chauffeur di e


Chevrolet Aveo a bay subi e caminda sin a mira cu tabata tin un Kia Rio ta bini di pariba. Aunke e chauffeur di e Kia Rio a brake e impacto tabata inevitable. Debi na e impacto e dama chauffeur di e Aveo a resulta herida pasobra despues di e impacto di e auto su auto a sigui bay dal riba un palo di lus.



POLISNAN CU FOKS BUSCANDO CHAUFFEUR CU A DRENTA MONDI DESPUES DI UN PERSECUCION BANDA DI POS ABAO



Diasabra anochi polis kier a para un auto y a dun'e señal pa para pero ela sigui core un poco mas y a polisnan a perde e auto for di bista den area di Pos Abao y ta calcula cu e lo a drenta mondi. Polisnan cu foks tabata buscando den full e area eybando, lo ta trata di un hoben segun por a compronde.



POLIS A PIDI AMBULANS PA UN DETENIDO CU KAP NA CABES DETENI NA WARD A DI SHABA



Diadomingo mainta a na cabes, mesora a dirigi drenta informe di cu na un ambulans na e sitio. warda di Shaba tin un Na yegada di e ambulans detenido herida cu un kap nan a atende e victima



na warda y ey nan a nota hospital. Acompaña cu atencion medico avansa. cu e victima mester bay polis a hib'e hospital pa

BRINGAMENTO CU HINCAMENTO NA UN OTRO CLUB NOCTURNO NA PALM BEACH BANDA DI E HOTELNAN



Diadomingo madruga a drenta informe di un otro caso di bringamento cu hincamento na un otro club nocturno na Palm Beach banda di e hotelnan, mesora a dirigi tanto polis como ambulans na e sitio.

Na yegada di e patruya a señala 2 sospechoso pero no tabata sigur cu nan lo tabata esunnan cu a hinc e victima pero asina mes a bay cu nan direccion di warda di polis na Shaba.

Na yegada di e ambulans

mesora a tuma e victima y a transporte pa hospital. Mientrastanto e hefe di recherche di distrito 2 (Shaba) tambe a presenta y a papia cu e victima kende a responde e recherche. Recherche tin e caso bao investigacion.

Parlamentario Evelyn Wever-Croes

Parlamentario Wever-Croes na tur estudiante bayendo den exterior pa sigui nan estudio;

“FIHA BO META Y BAY P’E, NO LAGA NINGUN HENDE KITABO NI STROBABO DI LOGRA BO METANAN”



Manera ta conoci Augustus ta e temporada na unda nos hobennan ta preparando pa sigui cu nan estudio den exterior. Parlamentario Evelyn Wever-Croes a expresa cu esaki, apesar cu ta un momento difícil pa e hobennan mes, pa nan mayornan, nan famianan, y amistadnan, tambe ta uno special paso nan ta cuminsando un etapa nobo den nan bida.

“Mi kier a desea cada un di boso hopi exito den e etapa nobo aki. Fiha bo meta bay p’e y no laga nada ni ningun hende kitabo di bo meta. Ni cuanto reto bo encontra den bo caminda, sigui enfoca riba bo meta. Corda semper tambe cu unda cu bo bay, bo ta un embahador di Aruba. Pues kico cu bo haci, nan lo atribui na Aruba. P’esey semper sea un bon ehempel y un bon embahador.



Na tur e mayornan di e hobennan aki, mi kier a desea hopi forsa, pasobra bida nunca ta prepara nos como mayor pa habri brasa y laga nos yiunan bay. Pero keda semper cu e fe y cu e confiansa cu e fundeshi cu bo a duna bo yiu ta

bay ta su guia pa e por logra tur su metanan.


Hopi exito na tur estudiante cu ta bayendo den exterior! Parlamentario Wever-Croes a expresa.

TURISTA DI 70 AÑA A SAK DEN OTRO BANDA DI E TORTUGA GIGANTESCO NA EAGLE BEACH

Diasabra mainta a drenta informe di cu un turista di 70 aña a bira malo na e rotonde banda di Amsterdam Manor, mesora a dirigi un ambulans na e sitio. Na yegada di e ambulans nan a atende na e sitio mes y a ofrece un lift na su hotel ey cerca mes pa asina e no tin nod’i di cana forsa pa cana bay bek y relaha.



POLIS INVESTIGANDO KIKO A PASA UN DAMA BENTA RIBA CAMINDA BANDA DI UN SCHOOL NA SANTA CRUZ



Diabierna anochi a drenta informe di cu tin un dama benta canto di caminda banda di un school na

Santa Cruz, mesora a dirigi tanto polis como ambulans na e sitio. Na yegada di e patruya a bin



compronde cu aki ta trata di un dama cu nan no por a saca afor kiko a pas'e pero e tabata inconciente benta riba caminda.

Na yegada di e ambulans nan a atende e dama y a transporte pa hospital.

Polis a keda na e sitio pa sigui cu e investigacion. Si bo persona sa algo di e caso aki contacta cu polis mesora.

HINCAMENTO DILANTI DI UN CLUB NOCTURNO NA PALM BEACH

Diadomingo madruga a drenta informe di un caso di hincamento dilanti di un club nocturno na Palm Beach, mesora a dirigi un patruya na e sitio. Na yegada di e patruya a bin encontra un persona herida cu un hinca na su curpa y mesora a pidi pa ambulans. Mientras e ambulans no a yega polis mes a transporte cu urgencia den e patruya y a hib'e pa hospital.



CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



SPLICACION DI E LEY DI CRYPTOMONEDA NOBO GENIUS ACT PA: RIGOBERTO SINT JAGO DI PPA

Ley nobo cu a wordo firma door di Donald Trump: GENIUS Act (17 di juli 2025)

E “GENIUS Act” (Guiding and Establishing National Innovation for U.S. Stablecoins Act) ta un ley Mericano cu a ser firma pa President Donald Trump riba 18 di juli 2025. E ley aki ta regula con *stablecoins* (moneda digital cu ta liga na un balor stabil, manera dollar Mericano) por ser emití y uza na Merca. Aki ta sigui un splicacion simpel di e puntonan principal:

- 1. Kico e ley ta haci?
 - Ta crea un marco federal pa ‘stablecoins’, pa asina tin reglanan cla pa un compania cu ta crea y uza nan.
 - Ta sigura cu ‘stablecoins’ ta sigur y confiabel pa e usuarionan.
- 2. Reglanan importante:
 - Reserva 1:1:
Pa cada ‘stablecoin’ cu ta wordo emití, e compania mester tin e mesun cantidad di placa na dollar of otro activonan di likides sigur (manera bono di estado).
 - Control y regulacion:
Companianan mester laga

- auditornan independiente controla nan reserva pa prueba cu nan tin suficiente placa.
- Ken por emití ‘stablecoins’?:
Solamente companianan aproba, manera banconan of institucionnan cu permit special, por crea ‘stablecoins’. No cualkier hende por haci esaki.
- Transparencia:
Companianan mester ta abierto tocante con nan ta funciona y con nan ta maneha e placa di e clientenan.
- 3. Pakiko esaki ta importante?
 - E ley ta proteha consumidornan pa sigura cu ‘stablecoins’ no ta perde nan balor asina facil.
 - E ta duna tur compania e confiansa pa uza ‘stablecoins’, loke por stimula inovacion den pago digital.
 - E ta evita pa estadonan crea nan propio reglanan, y asina lo tin un standard unico na nivel nacional.
- 4. Ki dia e ley ta drenta na vigor?
 - E ley a ser firma riba 18 di juli 2025. Funcionarionan tin 180 dia



(mas o menos te januari 2026) pa fiha e detayenan di e reglanan.

Conclusion:
E “GENIUS Act” ta sigura cu ‘stablecoins’ na Merca ta sigur, confiabel y bon regula, pa asina hende por uzanan cu confiansa como pago of inversion. Alabes e ta un strategia pa asina e dollar mericano keda cu importancia internacional, ya cu e ta wordo menasa door di e bloke comercial

cu yama BRICKS.
PPA ta di opinion cu nos no por keda atras den e desaroyonan mundial pa cu cryptomoneda, y si nos construi leynan y crea un ambiente atractivo pa inversionistanan, Aruba lo por crea un pilar economico nobo, lanta un generacion di crypto empresarionan y asina yuda nos paga nos debe externo mas liher sin pone mas presion riba pueblo!

POLIS A PARA CONTROLA UN AUTO POSIBLEMENTE CU UN ARMA DI CANDELA DEN DJE NA ALTURA DI PARADERA

Diadomingo madruga a drenta informe di cu un persona cu arma di candela a caba di bandona un club nocturno na Tanki Leendert cu un arma di candela, mesora a emití e informacion aki pa tur unidad cu ta riba caya. Un patruya cu a nota un auto parecido na esun cu a bandona e club y cu lo tin arma di candela den su posecion a para e auto aki y a saca nan arma reglamentario y a mik riba e chauffeur mientras a busca den e auto. Despues di a nota nada particular a laga e vehiculo sigui.



CUIDA BO SALUD DURANTE DIA DI CALOR INTENSO: RECOMENDACIONNAN PA PROTEHA BO BIENESTAR

031 di juli 2025: Den bista di e ola di calor cu ta afectando Aruba actualmente, Departamento di Salud Publico (DVG) ta haci yamado na tur residente y bishitante pa tuma medidanan preventivo pa proteha nan mes y nan salud.

Calor extremo por trece riesgo serio pa salud, especialmente pa e grupo vulnerabel manera mayornan di edad, mucha chikito, hende cu malesa cronico y esnan cu ta traha pafo. Calor por ocasiona cansancio, golpi di calor (heatstroke), deshidratacion y empeoracion di malesanan cronico existente.

Consehonan util pa protehe bo mes durante dianan di calor:

1. Bebe hopi awa
 - o Mantene bo curpa hidrata: bebe awa regularmente, apesar cu bo no tin sed.
 - o Evita alcohol, coffie y refresco cu hopi sucu, nan por causa deshidratacion.
2. Mantene bo mes fresco
 - o Keda paden durante e oranan di mas solo (11:00 AM – 3:00 PM).
 - o Usa ventilacion (ven) of airco si ta disponibel.
 - o Tuma douche friu pa baha temperatura di bo curpa.
3. Bisti paña color cla y

- liviano
- o Usa paña hanchu, di color cla, y di tela liviano.
 - o Usa pechi of sombre
 - o Usa bril di solo ora bo ta sali pafo.
4. Proteha bo cuero
 - o Usa sunblock (SPF 30 of mas halto) y ripiti e aplicacion cada dos ora.
 5. Tira bista riba hende vulnerabel
 - o Haci contacto regular cu mayornan di edad, bisña y famia cu malesa.
 - o NUNCA laga mucha, hende of mascota den auto cera, ni pa un rato cortico.
 6. Limita esfuersonan fisico
 - o Evita haci trabounan fisico durante e ora di mas calor.
 - o Si ta necesario, tuma pausa frecuentemente den sombra y bebe awa constantemente.
 - o Evita deportenan pafo durante oranan di mas calor
- Sintomanan di malestar relacional cu calor:
- Cansancio extremo pa motibo di calor: soda hopi, cuero ta cayente, mareo, stoma ta bira, dolor di cabez.
 - Golpi di calor (Emergencia): temperature cu cuero halto, desorientacion, perdida di conocimiento, cuero



seco sin sodo.

- o Den caso di sospecha di golpe di calor, yama 911 mesora.

Keda informa

Sigui e boletin di tempo y informacion oficial via canalnan di gobierno of Departamento di Salud Publico. Nos ta pidi na tur hende pa cuida nan mes y otro. Cu medidanan preventivo nos por preveni hopi problema y pasa

e temporada di calor den manera sigur.

Pa mas informacion like nos Facebook page Directie Volksgezondheid DVG Aruba, Follow nos riba Instagram [directie_volksgezondheid_aruba](#), subi nos website [www.dvg.aw](#), yama nos na 5224200 of mail nos na

CHAUFFEUR CU A CORE PA POLIS A BAY DAL 2 OTRO AUTO Y PUSHANAN DILANTI LAGANDO TUR 3 AUTO NA WERKI DJEY ELA CORE BAY NA PIA

Diasabra anochi durante un persecucion un hoben chauffeur a coriendo un Suzuki Liana a baha caminda dal un Honda CRV staciona dilanti un cas bira esaki mas di 45 grado kibra e wiel di patras banda drechi mande bay dal riba cura di un cas. Ela sigui core dal un Toyota Corolla stacion tambe na 2 cas despues manda esaki bay para na un caminda banda drechi lagando tur 3 auto na werki y a core baha bandona e autonan kibra.



A HONRA TUR PIONERO DI HOSPITALIDAD: HILTON ARUBA A CELEBRA 66 AÑA DI ANIVERSARIO



PALM BEACH - Riba 18 di juli, 1959, e ceremonia pa loke tabata apertura di un resort nobo riba Palm Beach a tuma luga den presencia di diferente invitado, dignitario, y ambos representantenan di gobierno di Aruba y Hulanda. E propiedad a ocupa 15 acres di e isla

su bista di lama di mas espectacular cu hardin tropical, reflehando Aruba su vegetacion indigena, el a ofrece un anfitrión luhoso, cu servicio y productonan inovativo pa su bishitantenan.

Durante e añanan, e resort a logra na haya



un reputacion estelar como un punto di e isla su hospitalidad cu 358 camber luhoso. Su team fiel, dedica y perseverante cu ta bini tur dia pa traha duro y comparti e isla su cultura y herencia cu nos bishitantenan, ta bay cas tur dia cu smile riba nan cara, sabiendo cu nan a contribui na popularidad di Aruba y su hendenan, cual e resort como tambe e isla su pilar economico di mas importante.

Mirando e bandera di Hilton na laire durante ultimo dies aña, den pleno celebracion di su 66 aniversario, e resort a host un lunch special pa honra e pioneronan den hospitalidad, mayoria di nan a retira algun tempo atras caba, pero nunca a wordo lubida.

Cu e tipo di asistencia di Jeffrey Matos di Club Kibrahacha 60+, e evento a trece hunto algun ex

coleganan cu tabata forma parti di e team historico di Aruba Caribbean Hotel pa un encuentro memorabol hunto. Akinan tabata tin presencia di entre otro Josephine Panthoflet, Eddy Tromp, Ruben Pieters, Ruben Boekhoudt, Thomas Giel, Henry Scott, Judith Koeiman, Vera Franken, Orvin Croes, y Johnny Geerman.

Acompaña pa e bishitante di nan escogencia, e resort su directornan actual y General Manager a duna bon bini n'e ex coleganan. E encuentro tabata yena cu memorianan nostalgico, storianan bunita y hopi harimento, combina cu un delicioso lunch n'e resort su restaurant Sunset Grille, prepara cu hopi expertisio p'e team culinario.

Varios diesnan retira a sirbi rolnan grandi den pasado, incluyendo trahando n'e famoso Klompen Club y cu posicion di liderazgo

den departamento di Food & Beverage. Notabel ta cu Orvin Croes y Johnny Geerman ainda ta sirbiendo e resort su banquet y team di bellman orguyosamente. Cada persona a comparti un recuerdo importante durante nan tempo di Aruban Caribbean y expresa nan gratitud p'e invitacion inespera aki cu nan a haya pa join e lunch. Esaki tabata un bunita encuentro yena cu storianan fascinante, memorianan bunita di loke tabata temponan aya n'e resort, hunto cu varios potret di antes, comparti cu e ehecutivonan actual cual tabata hopi leuk pa mira y refleha riba nan.

Pa medio di honra e ex coleganan aki, Hilton Aruba Caribbean Resort & Casino ta reinforza su compromiso continuo den perserva e resort su historia y spirito autentico di hospitalidad Arubiano.

ACCIDENTE ATROBE PA FALTA DI PREFERENCIA DEN E "LANENAN" NA E ROTONDE BANDA DI GUARDIAN



Diasabra atardi a drenta informe di un accidente na e rotonde banda di Guardian, mesora a dirigi un patruya na e sitio. Na yegada di e patruya a bin compronde cu aki ta trata di un otro accidente pa falta di preferencia na momento di cambia di "lane". Afortunadamente ningun hende a resulta herida.

DURANTE TRABAO NA MONTAÑA BEAM DI HERO A DAL TRAHADOR NA SU CABES, AMBULANS PIDI CU URGENCIA NA E SITIO



Diasabra mainta a drenta informe di cu un beam di hero a bay dal un trahador na su cabes na Montaña, mesora a dirigi un ambulans cu maximo urgencia na e sitio. Na yegada di ambulans nan a atende e trahador victima y a transporta pa hospital cu urgencia.

Clasificados

SOLODIPUEBLO@GMAIL.COM
CEL.585 9500

SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Ta algo hopi bunita, ora hendenan ta bini hunto den grupo pa hasi oracion y gradici pa tur cos den bida. Y regularmente e grupo di Modanza ta bini hunto fielmente pa reza hunto y of celebra un anochi cu un of mas di nos Santonan y of anochinan di charla y of cantamento. Recientemente a bini hunto na Modanza pa e celebracion di Hesus, nos amigo y salvador. Pakico no? Ariba calendario tin tur sorto di fecha cu tur sorto di Dia di esaki, dia di e saya. Y como cu tur dia ta dia di tata tambe, nos a eligi y celebra e dia di tata aki den nos grupo na Modanza e anochi aki. Aunke e dia den e luna di Juni a pasa caba, pa nos, tur dia ta dia di tata. Tata di grupo di oracion di The Voice of Jesus 2025 a keda den persona di e gentil cabayero hoben adulto Sergio “Serge” Maduro, cu ta tata di 3 yui. Prome

biaha a scoge un tata asina hoben di apenas 28 anja di edad. E tatanan di e anjanan anterior a bin dilanti companje den laga algun blaas cora bay laira, como aprecio pa nos tata nobo. Bunita pa a wak nos mama di anja 2025 di The voice of Jesus sra. Violeta Orman gozando di e anochi aki, bandi e tata di e grupo. Lady Ruth ta gusta e celebracionnan cu alabanza, oracion y canto cu resamento na Dios pa duna danki pa bida, pa salud y pa tur otro bendicion. Nos tambe sa, cu tin Pascu, Pascu grandi, dia di resureccion etc. pero nos a goza e tema aki, di, celebracion di Hesus nos amigo y salvador combina cu dedica e anochi special aki na e tatanan rumannan den Christo presente. Tawata un bunita anochi bao streanan na shelo den biento fresco cu a yena e curasonnan despues

tambe cu dushi musica y canto pa e gran artista Victor Samuel. Victor a habri e anochi musical cu e bunita cancion gospel “Se busca”, y despues a sigui un bunita repertorio di canticanan na papiamento, spanjo y hasta nos a canta e bunita cancion Sweet Caroline. Y hunto cu Vivian nos tres a canta “Na’mi un chens” di Padu. E anochi aki, un dushi y bunita pareha, nos mama cu tata di 2024 di The voice of Jesus Modanza, Srysra. Wouters Thiel, esta, nos rumannan den Christo Anchie cu Chomon Wouters a bayla e dushi y bunita wals di Padu Lampe “Abo so” canta pa Victor Samuel. Tawata un momento masha special mes, ya cu Mama Anchie y Papa Chomon ta bay cumpli nan di 60 aniversario di boda aki mas o menos 2 luna. Un pareha ehemplar yen di amor ketobay! Nos

tambe a tribi los e heup y e pianan un crenchi. Mayoria tawata canta hunto cu Victor, y ruman Sonia tambe, ya cu e pianan no a duna e anochi aki pe tambe los e heup y e pianan un crenchi manera ta su dushi custumber y tradicion ariba un anochi di asina hopi alegria! Pronto mi sister Sonia lo ta bek ariba pista sigur! Ta Sonia ta esun cu ta inspira Lady Ruth pe subi pista su so cu su so ya cu e no por sinta keto ora di dushi musica alegre cu dushi canto! E celebracion a sigui cu algo dushi di come y bebe, un super dushi catering cu e dushi dushi bolo torta real. Entre otro tambe e sorpresanan chikito aki aya cu atencion special ariba Papa Sergio Maduro. Nos ta manda palabranan di danki y di amor pa nos beautiful, elegante y carismatico Vidente Valerie, cu hunto cu su comision di personanan fiel y dedica na nan fe y pa bida a hasi un bunita trabao pa e dushi anochi aki, e.o. e bunita adorno di e flornan y blaasnan colorido. Danki na ruman Gilbert, Benita, Deta, Vivian, Olga, Lisette, mama Hortencia, rumannan shon Ida y su distinguida mama sra. , Linda, Isidora, Dora, Mariana y Mario, Jennifer, Buchi, Laurita, Jenny y tur otro mucho hopi pa menciona pa comparti di boso tempo precioso y hasi e celebracion aki un exito total! Cu nos Rey y Maestro Jesus sigui drama su bendicion riba nos tur y riba henter Aruba! Danki pa lesa nos relato,

un danki special na colega escritor Jossy Tromp pa su bunita palabranan den direccion di Ruthy”Lady Ruth” cu e ta hanja falta di e relato y poemanan den e corant bon dia, cu ya pa basta tempo no ta publica nan mas pasobra nos no kier a paga nan mil y pico florin despues cu nan tambe tawata publica nan pa anjas diripiente no ta hanja nos relato di cosnan dushi social y cultural relevante mas. Pa un tempo cortiko nos relato tawata sali tambe on line di EA Earubiano news. Nan tambe kier focus riba otro noticianan, manera di polis etc. Lady Ruth a gradici bon dia y Ea netjes pa e tempo cu nan a publica di curason. Ta como colaborador nos ta skirbi y comparti di nos talentonan pa hopi anja caba y ta hasi esaki ketobay como penshonado awor y ta hanja e fantastico cooperacion di curason di Diario, Awe Mainta, Solo di pueblo y Extra Bonaire pa complace nos grandinan cu ta gusta lesa nos relato y poemanan. Nos no ta paga pa e espacio den nan prestigioso corant, y nan no ta cobra pa su publicacion. Ta algo di respet, seriedad y confianza cu e curason so por comprende y no ta tur ta pensa solamente plaka plaka plaka, danki Dios pa e comercialnan si den nan corant publica, cu ta pensa na e wowonan y curasonnan humilde y contento cu ta lesa cosnan simpel di amor y di cultura. Pasa un dushi dia yen di alegria! Un “bearhug” pa tur!

Clasificados



SOLODIPUEBLO@GMAIL.COM
CEL. 585 9500



MINISTER WENDRICK CICILIA: TA IMPORTANTE PA EMPODERA NOS STUDIANTENAN!



Diaranson anochi, Minister mr. Wendrick Cicilia tabata presente durante e Clint Whitfield Outstanding Student Award.

Durante e anochi a honra e studiantenan cu a desplega excelencia riba nivel academico. Kiwanis Club of Aruba conhuntamente cu Clint Whitfield Foundation a reconoce diferente estudiante. “Esaki ta un momento sumamente special p’e hobennan”, asina Minister Wendrick Cicilia a expresa. E hobennan tabata presente hunto cu nan famia y docentenan.

E hobennan ta e futuro di nos pais, e tesoronan di mas precioso y e recursonan di mas valioso cu nos tin como pais. E hobennan reconoci lo ta esnan encarga di carga un



di Aruba, promove cambionan moderno y innovativo den futuro.

Sin duda e reconocimiento ta un manera pa empodera nos hobennan cu ta destacando den e mundo

academico pero tambe ta un momento pa convence nan pa bin bek Aruba na momento cu nan termina nan estudio.

Minister Cicilia a expresa: “Nos a comunica na nan

cu Aruba ta nos cas y nos cas mester di diferente renobacion y cambio, p’esey ta importante pa nan bin bek cas y hunto nos haci e renobacionnan necesario y crea un miho Aruba.”



DURANTE UN CONTROL POLIS A TOPA 2 HOBEN CU TABATA BAO INFLUENCIA TA DISCUTI Y A DETENE AMBOS PA NO A SIGUI INSTRUCCION DI POLIS



Diasabra madrugaba durante un control na Oranjestad a topa algun hoben cu tabata discuti riba caya polis a acerca nan y a pidi pa nan

bandona e sitio. Polis a nota cu nan tabata bao influencia di un of otro substancia y nan no kier a sigui e instruccion di polis.

Polis a bay over na ordena nan pa bandona e sitio y 2 di nan no a hacie. No a keda nada otro cu polisa haya nan mes obliga di detene nan.



NA DAKOTA UN CICLISTA A CAY RIBA GLAS Y A CORTA SU MAN



Diabierna anochi a drenta informe di cu un ciclista lo a cay cu bicicleta y su man a bay cay riba glas y a corte, mesora a dirigi tanto polis como ambulans na e sitio. Na yegada di e

patruxa a bin compronde cu di berdad e ciclista lo a cay cu bicicleta y su man a bay cay riba glas y a corte. Polis a nora su man corta y a yama ambulans pa nan bin atende e victima.





NA HOOIBERG PICK-UP A DAL U-TURN DILANTI ELECTRIC SCOOTER Y MOTOCICLISTA A RESULTA HERIDA



Diasabra mainta a drenta informe di un accidente di auto cu un scooter y un persona levemente herida, mesora a dirigi tanto polis como ambulans na e sitio. Na yegada di e patruya a bin compronde

cu na altura di Hooiberg
e chauffeur di un pick-
up bayendo pabao a bay
dal un U-Turn pero e no
a mira e electric scooter
su tras y e scooter a bay
dal riba dje. Debi na e
impacto e motociclista a

resulta levemente herida. Na yegada di e ambulans nan a atende e victima na e sitio mes. E pregunta cu tur hende lo haci nan mes ta si electric scooter enberdad tin mester di plachi number of no?

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia 🌀 - August 03, 2025				
						
Sorteo # 4700		Sorteo #	Joker Letter			
6696		0 x Jackpot	Proximo Jackpot			
2511		0 x Match 4+	340.000,-			
0543		0 x Match 4				
		0 x Afl. 12,00				
X2						
						
Sorteo # 4700						
0994		Sorteo # 6906	Proximo Jackpot			
		0 x Jackpot	79.000,-			
FP		3 x Match 4				
		106 x Afl. 8,00				
Sorteo # 2756						
8423						
						
Sorteo # 4700		Sorteo #	Mega Ball			
3850		0 x Jackpot	Proximo Jackpot			
Piscis		0 x match 4	325.000,-			
		0 x Afl. 500,00				
Sorteo # 1574		0 x Afl. 50,00				
493		0 x Afl. 15,00				
						
X2						
						
		Sorteo #				

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
Resultado: Sorteo di Anochi ➤ - August 03, 2025			
 Sorteo # 8612 7575 8512 3693  X2  Sorteo # 7656 1481  X2  Sorteo # 2361 6024  Sorteo # 6415 3223 Geminis  Sorteo # 1345 508  X2		 Sorteo # 2615 0 x Jackpot 0 x Match 4+ 10 x Match 4 164 x Afl. 12,00	02-05-13-15-29 Joker 1 Letter E Proximo Jackpot 340.000,-
		 Sorteo # 6905 0 x Jackpot 11 x Match 4 158 x Afl. 8,00	03-08-16-20-22 Proximo Jackpot 74.000,-
		 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 325.000,-
		 Afl. 485.000,-	
		 Sorteo #	

BON NOTICIA

E ISRAEL NOBO DI DIOS TATA,
PA MEDIO DI E ALIANSA NOBO
DI CRISTO-HESUS

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan,nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo di Israel. Bijbel Lucas 1: 32 – 33, ta bisa: “Senjor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa podera y pa kibra

e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan di Reino di Cielo y esaki ta significa, cera y habri e unico portanan pa laga e almanan drenta den Reino di Cielo. Den e unico Iglesia Universal di Cristo-Hesus, tin e yabinan di e portanan di Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata den e Aliansa Nobo. Awor, tur hendenan, sectanan y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a duna Su apostelnan, Su doctrinanan di Gracianan di salvacion pa Su Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan 20: 23, Eucaristia Lucas 22: 19 – 29, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Luther o un frere, teologo aleman, pero Martin Luther a bira protestant, contra di e Iglesia Universal di Cristo-Hesus. El a inventa

e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo a trece hopi division y hopi di nan a lanta nan mesun religionnan, sectanan y predicando e Bijbel den nan mesun manera y buscando hendenan debil den fe pa sigi nan. di Bijbel Echonan Apostelnan 20: 28 – 30, carta di San Pablo na su coleganan Apostelnan: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senjor, na cual E’l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinanan robes y nan lo gana discipelnan nan tras.” Ta manera cu Hesus a bisa den, Bijbel Mateo 16: 18, cu forsan di fierno lo purba podera y kibra e Unico Iglesia Universal di Hesus, pero nan lo no logra. Bijbel Revelacion 21: 10-14, ta bisa bon cla, di e ciudad Santo di Herusalem tabata bahando di Dios for di Cielo, briyando di Dios Su Gloria. E muraya di e ciudad tabata tin diesdos piedra di fundeshi grandi y riba esakinan e diesdos nomber di e diesdos Apostelnan di E Lamchi tabata scirbi. Esaki ta e diesdos Obisponan di e Iglesia Universal di Cristo-Hesus. Husga pa bo mes, si bo ta den un Iglesia corecto pa bo salvacion. Nunca no ta laat pa compronde e berdad y pa comberti.

Scirbi pa Seferino Tromp
Un mensahero di Dios.

SUDOKU

		5		4				
			8					6
			1				3	7
			6			7		
		7			1			4
		8		3			9	
	3			8			4	
	8	2	9					
	7	4				9	5	

				6				
2		6		7			8	
9						2		5
				4				
3	6	5				4		
7		8	3			5		
					7			2
	9			8				
			6	5			3	4

	8							
	9		8	3		6	7	4
6								8
9	1	2		4			8	
		8					4	1
				9				7
5		3			7			
			4				2	9

FORTALEZA PA FAMILIA

Scirbi pa Pastor Marcel Balootje.

OBEDIENCIA NA DIOS SU PALABRA SEMPER TA BON

No tin nada mas dushi, cu ora nos ta obedece palabra di Dios, e ta duna nos seguridad den tur cos cu nos ta haci, pasobra ora nos obedece Dios, cielo ta di nos banda, manera e palabra ta bisa:

Si Dios ta cu nos ken contra nos.

Obediencia ta e yabi principal pa nos bida, pasobra e ta un paquete completo, den obediencia na Dios tin tur cos, pasobra obediencia ta habri tur porta, e ta un presentacion corecto, limpi y puro di tur cos cu nos ta haci, pasobra nos a pone Dios na prome lugar.

Nos bida mester ta un ehempel di obediencia na Dios, pasobra esey ta muestra cu nos ta stima Dios, pasobra e palabra di Dios ta bisa esun cu ta stima Mi ta warda mi mandamentonan y ta stima su prohimio. Ta dificil obedece Dios y no ta stima Dios.

Obediencia ta bini door di un curason cu ta stima, y kier demostra reverencia na Dios tur momento.

Mas obedecido nos ta den nos bida na Dios, mas forsa y crecimiento spiritual lo tin den nos.

Hesus a contesta y a bise: Si un hende ta stima Mi, e lo warda Mi palabra y Mi tata lo stime, y Nos lo bini serca dje. Esun cu no ta stima Mi no ta warda Mi

palabranan y e palabra cu boso a tende no ta di Mi, ma di e Tata cu a manda Mi. (Juan 14:23-24).

Si boso keda den Mi, y Mi palabranan keda den boso, pidi tur loke boso kier y esaki lo wordo haci pa boso. Den esaki mi Tata, ta wordo glorifica, cu boso ta carga hopi fruta y asina demostra di ta Mi disipulonan.

Nos obediencia ta senjala ken nos ta den bista di Dios, e ta un marca di bendicion riba nos bida, e ta e carta di referencia cu ta habri porta den nos bida, y pa nos tin e victoria cu nos mester.

Sin obediencia nos no ta bay ningun caminda, y ta wordo demostra cu nos ta hibando un bida di desobediencia y rebeldia dilanti di Dios, cual ta un bida cu no tin balance den ningun sentido.

Pasobra e palabra di Dios ta bisa hopi cla: Ami ta e mata di wijndruif, boso ta e ramanan, esun cu keda den Mi, y Ami den dje, esey ta duna hopi fruta, pasobra separa di Mi boso no por haci nada. (Juan 15:5).

Mi carnenan ta tende Mi bos, y Mi conoce nan, y nan ta sigi Mi. (Juan 10:27).

Pesey nos mester paga bon tino, na bos di ken nos ta scucha, pa asina nos no cay den obediencia,

awendia tin hopi bos falso, Hopi bos materialista, Hopi bos inmoral, Hopi bos perverso, cu ta contene masha religiosidad, pero nan curason y nan hechonan ta leu for di Dios.

Tin hopi caminda cu ta parece bunita, pero cu ta hiba na perdicion, hopi cos artificial cu no ta basa riba e palabra di Dios, pero riba emocion di hende.



¡ Lee todos los días la Biblia !

Ta bon pa nos por recorda locual ta para scirbi den 1 Samuel 15:22-23 caminda Samuel ta papia cu rey Saul. bisando: Acaso Senjor tin mes tanto delicia den ofrendanan kima y sacrificionan, cu den obediencia na e bos di Senjor? Mira obedece ta mihor cu sacrificio, y scucha ta miho cu vet di carne chubato.

Pasobra rebeldia ta manera pica di bruheria, y capricho ta manera inikidad y idolatria. Pasobra bo a rechasa e palabra di Dios, E tambe a rechasa bo como rey.

Laga nos tur ta yuinan fiel y obedecido na Senjor Dios.

Sinceramente, Pastor Marcel Balootje.

Oracion di dia

Un dia fructifero y cu e luz di Cristo por briya den cada un di nos

"... Pasobra tur hende cu halsa nan mes, lo keda humilia, ma esun cu humilia su mes, lo keda halsa". Lucas 18,14

Awe nos ta lesa e importancia di humildad y reconece nos faltanan. Nos por ta manera e fariseo husgando otro y halsando su mes of manera e cobrado di belasting ta reconece su falta y su necesidad di compasion. Cu humildad nos ta sirbi otro sin busca recompensa; scucha mas y papia menos, na balora e otro nan pa loke nan ta y no pa loke nan tin of ta aparenta di ta. Reflexionando continuamente ta yuda evita na cay den orguyo y na mantene nos mirada fiho den e mision cu Señor a confia nos. Biba cu berdadero humildad ta nifica rechasa e mascaradanan cu hopi biaha nos ta pone pa impresiona of pa competi cu otro. No biba un bida superficial of di falsedad, sea un luz pa mundo unda e luz di Cristo ta briya den bo. Loke ta importa no ta con otro nan ta mira nos, sino con Dios ta mira nos. Ser bo mes y cu humildad ta acerca nos na e berdadero esencia di nos fe y esey ta haci nos un instrumento den e man di Dios.

Oracion : Señor Hesus, haci mi curason pareu na bo curason. Manso y humilde y obedecido na bo Santa boluntad.

Amen.

